

В ПЯТОК 2-Я СЕДМИЦЫ ВЕЧЕРА,

На Господи возвах, поставим стихов 10 и поем самогласен дважды, и мученичны Октоиха прилучившагося гласа: и Миней 4. Слава, святого, аще есть: аще ли ни: Слава, мертвен Дамаскиновых Октоиха. И ныне, Богородичен 1-й гласа.

Самогласен, глас 4:

Ныне время благоприятное, * ныне день спасения, * во множестве милости Твоя посети мою душу, * и бремя беззаконий моих ослаби, * едине Человеколюбче.

Прокимен, псалом 39. Глас 4: Милость Твоя и истина Твоя, выну да заступите мя.

Стих: Терпя потерпех Господа, и внят ми.

Бытия чтение. [Гл. 5, ст. 32. Гл. 6, ст. 1 – 8.]

Бе Ное лет пяти сот, и роди сыны три, Сима, Хама, Иафета. И бысть егда начаша человецы мнози бývати на земли, и дщери родишася им: Видевше же сынове Божии дщери человеци, яко добры суть, пояша себе жены от всех, яже избраша. И рече Господь Бог: не имать Дух Мой пребывати в человецех сих во век, зане суть плоть: будут же дние их лет сто двадесять. Исполини же бяху на земли во дни оны: и потом, егда вхождаху сынове Божии к дщерем человеческим, и рождаху себе, тии бяху исполини, иже от века человецы именитии. Видев же Господь Бог, яко умножишася злобы человеков на земли, и всяк помышляет в сердце своем прилежно на злая во вся дни И помысли Бог, яко сотвори человека на земли, и размысли. И рече Бог: потреблю человека, егоже сотворих от лица земли, от человека даже до скота, и от гада даже до птиц небесных, зане размыслих, яко сотворих я. Ное же обрете благодать пред Господем Богом.

Прокимен: псалом 40, глас 6: Аз рех: Господи, помилуй мя, исцели душу мою.

Стих: Блажен разумевай на нища и убога:

Притчей чтение. [Глава 6, ст. 20 – 35. Гл. 7, ст. 1.]

Сыне, храни законы отца твоего, и не отрини наказания матере твоея: Навяжи же я на твою душу присно, и обяжи их о твоей выи. Егда ходиши, води ю, и с тобою да будет: егда же спиши, да хранит тя, да востающу ти глаголет с тобою. зане светильник заповедь закона, и свет, и путь жизни, и обличение, и наказание: Еже сохранить тя от жены мужаты, и от наваждения языка чуждаго. Сыне, да не победит тя доброты похоть, ниже уловлен буди твоима очима, ниже да совосхитишиися веждами ея: Цена бо блудницы, елика единого хлеба: жена же мужей честныя души уловляет. Вяжет ли кто огонь в недра, риз же [своих] не сожжет ли? Или ходити кто будет на углях огненных, ног же не сожжет ли? Тако вшедый к жене мужатей не без вины будет, ниже всяк прикасайся ей. Не дивно, аще кто ят будет крадый: крадет бо, да насытит душу свою алчущую: Аще же ят будет, воздаст седмерицею, и вся имения своя дав избавит себе. Прелюбодей же за скудость ума погибель души своей содевает. Болезни же и безчестие понесет:

поношение же его не загладится во век. Исполнена бо ревности ярость мужа ея: не пощадит в день суда. Не изменит ни единою ценою вражды, ниже разрешится многими дарми. Сыне, храни моя словеса, моя же заповеди скрый у себе: сыне, чти Господа, и укрепишися: кроме же Его не бойся иного.

И прочее последование преждеосвященных.

В СУББОТУ 2-Я СЕДМИЦЫ НА УТРЕНИ.

Аллилуиа, и тропари, глас 2:

Апостоли, мученицы и пророцы, * святителие, преподобнии и праведнии, * добре подвиг совершившии, * и веру соблюдшии, * дерзновение имущии ко Спасу, * о нас Того яко Блага молитв спастися, * молимся, душам нашим. [Дважды.]

Слава, мертвен:

Помяни Господи яко Благ рабы Твоя, * и елика в житии согрешиха прости: * никтоже бо безгрешен, * токмо Ты могий * и преставленным дати покой.

И ныне, Богородичен:

Мати Святая * неизреченнаго Света, * ангельскими Тя песньми * почитающе, * благочестно величаем.

И стихословим едину кафисму: Рече Господь Господеви моему: Таже седальны мученичны Октоиха три, и мертвен, и Богородичен. И чтение в Шестодневце.

Таже, Блажени непорочнии: поем на две статьи: и поминает священник усопшия, якоже обычно. В конец же кафисмы поем: Благословен еси Господи: Святых лик: и прочая. Во Славу же и ныне: ектенія о усопших: молитву: Боже духов и всякия плоти:

И абие седален, глас 5:

Покой Спасе наш * с праведными рабы Твоя, * и сия всели во дворы Твоя, * якоже есть писано, * презирая яко Благ прегрешения их, * вольная, и невольная, * и вся яже в ведении и не в ведении Человеколюбче.

Слава, конец.

И ныне, Богородичен:

От Девы возсиявый миру Христе Боже, * сыны света Тою показавый, помилуй нас.

Канон Минеи со ирмосом на 6: и святого обители на 4: глаголется бо ирмос и тропарь без стихов, и держим стихи от Тогда потщашася владыки: Не стихословим бо песней от начала до 6-я песни, во всех субботах святая Четыредесятницы, до акафиста: от шестыя же песни начинаются трипеснцы, и поется Минеи по дню святого, и трипеснцы: стихословятся же и песни. Четверопеснец господина Иосифа, егоже краегранесие:

Пение сие Иосифово. Глас 8.

Песнь 6.

Ирмос: Молитву пролию ко Господу ...,

Святии множайшими муками, многия врагов тьмы низложити сподобихася Спасе, и многих благ Твоих улучиша: молитвами их яко Благ, многая моя очисти прегрешения.

Воспоим Христовы страстотерпцы, и возопиим к ним единомудренно: Владычним подобницы страстем, душ наших страсти исцелите, поститися же от злаго обычая нас укрепите.

Преложил еси смерть на сон, болезненно во гробе поспал еси, и мертвым живот даровал еси: преставльшия убо Спасе сподоби стояния избранных, страстотерпец святых мольбами.

Богородичен: Поститися ми, и отступити от всякаго греха укрепи Отроковице, сильнаго и безгрешнаго Слова, воплощенна неизреченно рождающая, и даждь ми очистительную осквернений, Всенепорочная, слезу.

Иный господина Феодора. Глас 3.

Ирмос: Глубина страстей воста на мя, * и буря противных ветров: * но предварив мя Ты спаси Спасе, * и избави от тли, яко спасл еси * от зверя пророка.

Мучеников память совершаем божественно мучениколюбцы, приидите возрадуемся, песньми тыя венчающе, подвигоположника Христа благословим.

Ран पहले искус приемше, потом же камением побиеши бывше, претрени бывше, зверем на снедь дани бысте, и заклани бысте яко агнцы Христовы: но живете присно страстотерпцы.

Слава, Троицен: Три единым Естеством совокупающая, едино же тремя разсекая Лицы, яже Божество есть: Савеллия же и Ариа, равномерныя стремнины отбегаю.

И ныне, Богородичен: Дева явилася еси и по рождестве, чистотствуеши во обою, и раждаеши: страннолепное видение, глаголемое и разумеваемое, содеянное в Тебе Богомати.

Слава Тебе Боже наш, слава Тебе.

Или стих: Дивен Бог во святых Своих:

Мученичен: Кровь вашего терпения, Господу молится непрестанно о нас, мученицы: темже и ныне помолитесь поститися нам от страстей безчестия.

Стих: Души их во благих водворятся.

Покоин: Всему хотяй судити миру, предстоящим тьмам ангелов, неосужденно тогда предстати Тебе сподоби усопшия, верно Всещедрый.

Катавасия: Глубина страстей воста на мя, * и буря противных ветров: * но предварив мя Ты спаси Спасе, * и избави от тли, яко спасл еси * от зверя пророка.

Кондак Глас 6:

Со святыми упокой, * Христе, души усопших раб Твоих, * идеже несть болезнь, * ни печаль, * ни воздыхание, * но жизнь безконечная.

Икос: Сам Един еси безсмертный, * сотворивый и создавый человека: * земнии убо от земли создахомся, * и в землю туюжде пойдём, * якоже повелел еси, * создавый мя и рекый ми: * яко земля еси и в землю отыдеши, * аможе вси человецы пойдём, * надгробное рыдание * творяще песнь * : Аллилуиа.

Песнь 7.

Ирмос: Отроцы еврейстии в пещи ...,

Тучами кровей угасисте преславнии пламень прелести: огня убо будущего нас молитвами яже ко Христу избавите, Господни страстотерпцы.

Уста заградивше львов, мук же опаления претерпевше страсотерпщы, сладость лучшую наследовасте: еяже уллучити молитесь, и нам во веки.

Всем светом просветившесе Духа доблии страсотерпщы, преставльшимся верным ослабу просите, и рая вход, и жизни причастие.

Богородичен: Песнь приношу Ти Дево, не презри мене злыми одержимаго, но даждь Чистая исправление совершенное постом, и всем житием благонравным.

Иный.

Ирмос: Пламень оросивый * пещный и отроки неопалимы спасый, * благословен еси во веки, * Господи Боже отец наших.

Огнь, и меч, и звери, страсотерпщы, яко сладость вменивше, внегда страдати удивисте убийцы ваша, воспевающе Бога отец наших.

На уды разсекаеми, и опаляеми, Богу принесостесе жертва благовонная, Христовы мученицы: но Того о нас присно молитесь.

Троицен: В Троице единаго Бога славлю, Отца, Сына и Духа: Единицу простую, Троицу честную, начало предначальное и единосущное.

Богородичен: Всесвятая Владычице Богородице, молитвы рабов Твоих приемлющи, принеси всех Богу, да спасет нас от всякаго искушения.

Стих: Святым, иже суть на земли Его, удиви Господь вся хотения Своя в них.

Мученичен: Мучеников собори, с небесе представше, вас воспевающия благословите, освятите, усердно постов время скончати.

Стих: Блажени, яже избрал, и приял еси Господи.

Мертвен: Верую к Тебе преставльшиися, ведый дела человеков, вольная и невольная прегрешения прощая, упокой яко Бог.

Катавасия: Пламень оросивый * пещный и отроки неопалимы спасый, * благословен еси во веки, * Господи Боже отец наших.

Песнь 8.

Ирмос: Победители мучителя ...,

Мук виды немощию тела претерпевше, врачеве болящим страсотерпщы явистесе. Темже зову: мою недугующую душу исцелите, во время поста покаянием.

Увы мне, како преидоша вси дние мои в лености! и се конец приближается, варит несовершенна добрыми делы прияти мя: добре скончавшии течение мученицы, да ми конец благий будет, молитесь.

Каплями кровей запаления безбожия угасисте, божественнии страсотерпщы, и отшедшим от сего жития испросите воистинну Божественный покой, и содеянных разрешение во веки.

Богородичен: Иезекииль Тя дверь непроходимую Чистая провиде, покаяния врата всем отверзающую отчаянным. Темже молю Тя: стези мне отверзи, ко оным ведущия упокоением.

Иный.

Ирмос: Из безначальнаго Отца рожденнаго * прежде век Бога, * и в последняя от Богородицы * в плоть облекшася, * яко совершенна Человека * и Бога истинна, * пойте, благословите * и превозносите во вся веки.

Многострадальныя раны различно претерпевше, овии убо сгоревше, друзии сожжени бывше, инии же посекаеми, веселитесь страдальцы воспевающе Христу: пойте, благословите и превозносите во вся веки.

Кровьми вашими освящаете концы, малыми кропелньми, струи исцелений всем источающе, всехвальнии мученицы. Темже вопиете присно: пойте, благословите и превозносите во вся веки.

Благословим Отца и Сына, и Святаго Духа, Господа.

Триипостасная Единице, Отче, Сыне и Душе Живый, едино Божество, едино Царство: Тебе хвалят незаходимаго Света ангельская воинства, и мы сущии на земли поем, благословим и превозносим во вся веки.

Богородичен: Се вси роди блажим Тя Пречистая, величия Твоя зряще: Ты бо раждаеши преестественно всех Творца, Бога суца и Человека. Темже Тя благословим, и превозносим во вся веки.

Стих: Дивен Бог во святых Своих:

Страстотерпцев личе, молитесь ко Спасу спасти ны, молитвы и ныне творяще, служити чисте воздержанием Ему: пойте, благословите и превозносите во вся веки.

Стих: Души их во благих водворятся.

Усопшия благочестно надеждею воскресения, к вечной жизни востати Господи сподоби, хвалити Тя чисте, и славити псаломски: пойте, благословите, и превозносите во вся веки.

Хвалим, благословим, покланяемся Господеви, поюще и превозносяще во вся веки.

Катавасия: Из безначальнаго Отца рожденнаго * прежде век Бога, * и в последняя от Богородицы * в плоть облекшася, * яко совершенна Человека * и Бога истинна, * пойте, благословите * и превозносите во вся веки.

Песнь 9.

Ирмос: Уставы прешла еси ...,

Явистесь божественнии яко углие, вещество лукавое безбожие попаливше, и мечем бесовския полки посекаше, доблии страстотерпцы, световодцы сердец наших.

Тьму мучений проидосте, и к свету мысленному преселистесь, доблии страстотерпцы: темже просветите смиренную душу мою, омраченную согрешеньми.

Поболеша болезни преносяще преславнии страстотерпцы телесе, и ныне преставльшимся верным, неболезненный покой просят, и рая наслаждение.

Богородичен: Явися Чистая Владычице Божественная помощница, непотребным рабом Твоим, во время воздержания, молитвы наша приносящи Господеви, веки царствующему.

Иный.

Ирмос: Тебе бессмертный источник, * и святых исцеления * человеку роду подающая, * присно величаем, * яко спасаеши души наша.

Якоже огонь вложени бывше от Бога в землю, попалисте всякую лествидольскую, вжегше светило в концы благочестия страстотерпцы Христовы.

Вас ни пламень, ни заколение, ни колеса, ни стягнутя, ни опаления, ни иная мука горькая, разлучи от любви Христовы, страстотерпцы.

Троицен: Едино и три воспеваю благочестно Божество зраком, Лицы совокупляя и разделяя: Отец, Сын, и Святой Дух, Сия едино суть.

Богородичен: Тя от корене Иессеова, и Давида праотца прозябшии жезл, Всепречистая Чистая величаем, яко спасаеши души наша.

Стих: Святым, иже суть на земли Его:

Множество мученик честное, Христа молите, в мире исполняющим нам течение постов, видети и поклонитися и стражем Его.

Стих: Блажени, яже избрал, и приял еси Господи.

Мертвых и живых яко Бог, умертвивый смерть, и жизнь востанием Твоим всем подай Христе, упокой и рабы Твоя, яже преставил еси.

Катавасия: Тебе бессмертный источник, * и святых исцеления * человеку роду подающая, * присно величаем, * яко спасаеши души наша.

Ексапостиларий:

Небо звездами украсивый яко Бог, и Твоими святыми всю землю просветивый, Содетелю всех поюция Тя спасай.

Слава: Живыми и мертвыми обладай яко Бог, упокой Твоя рабы в селениих избранных: аще бо и согреша Спаसे, но не отступиша от Тебе.

И ныне: Сладость ангелов, скорбящих радость, христиан предстательнице, Дево Мати Господня, заступи нас, и избави вечных мук.

На хвалитех мученичны гласа. Слава, самогласен за упокой.

И ныне, Богородичен.

На стиховне мертвены стихиры господина Феофана, прилучившагося гласа.

Слава, и ныне, Богородичен.

НА ЛИТУРГИИ

Блаженны гласа, на 6.

По входе тропари:

Апостоли, мученицы и пророцы, * святители, преподобнии и праведнии, * добре подвиг совершившии, * и веру соблюдошии, * дерзновение имуще ко Спасу, * о нас Того яко Блага молите, * молимся, спастися душам нашим.

Помяни Господи яко Благ рабы Твоя, * и елика в житии согрешиша прости: * никтоже бо безгрешен, * токмо Ты могий * и преставленным дати покой.

Слава: Со святыми упокой, * Христе, души раб Твоих, * идеже несть болезнь, * ни печаль, * ни воздыхание, * но жизнь бесконечная.

И ныне, Тебе и стену и пристанище имамы, * и Молитвенницу благоприятную к Богу. * Егоже родила еси, Богородице Безвестная, верных спасение.

Прокимен глас 8: Веселитесь о Господе, и радуйтесь, праведнии.

Стих: Блажени, ихже оставишася беззакония и ихже прикрывшася греси.

Другий глас 6: Души их во благих водворятся.

Апостол дне ко Евреем, зачало 309. [Евр. 3, 12 – 16.]

Братие, блюдите, да не когда будет в некоем от вас сердце лукаво, исполнено неверия, во еже отступить от Бога жива. Но утешайте себе на всяк день дондеже днесь нарицается, да не ожесточится некто от вас лестью греховною. Причастницы бо быхом Христу, аще точию начаток состава даже до конца известен удержим. Внегда глаголет: днесь, аще глас Его услышите, не ожесточите сердец ваших, якоже в прогневании. Нецыи бо слышавше прогневашиа, но не вси изшедшии из Египта с Моисеом.

И мертвен, к Солуняном зачало 270. [1 Сол. 4, 13 – 17.]

Братие, не хошу вас неведети о умерших, да не скорбите, якоже и прочии не имущии упования. Аще бо веруем, яко Иисус умре и воскрес, тако и Бог умершия во Иисусе приведет с Ним. Сие бо вам глаголем словом Господним, яко мы живущии, оставшии в пришествие Господне, не имамы предварити умерших. Яко Сам Господь в повелении, во гласе Архангелове и в трубе Божии снидет с небесе, и мертвии о Христе воскреснут первее. Потом же мы, живущии оставшии, купно с ними восхищени будем на облацех в сретение Господне на воздухе, и тако всегда с Господем будем.

Аллилуиа глас 4: Воззвашиа праведнии, и Господь услыша их, и от всех скорбей их избави их.

Стих: Мнози скорби праведным, и от всех их избавит я Господь.

Стих: Блажени, яже избрал, и приял еси Господи.

Евангелие от Марка, зачало 6. [Мк. 1, 35 – 44.]

Во время оно, иде Иисус в пусто место, и ту молитву деяше. И гнаша Его Симон и иже с ним, и обретше Его, глаголаша Ему, яко вси Тебе ищут. И глагола им: идем в ближния веси и грады, да и тамо проповем, на сие бо изыдох. И бе проповедая на сонмищих их, во всей Галилеи, и бесы изгоня. И прииде к Нему прокажен, моля Его и на колену припадая пред Ним, и глаголя Ему, яко, аще хоцещи, можещи мя очистити. Иисус же милосердовав, простер руку, коснулся его, и глагола ему: хоцу, очистися. И рекшу ему, абие отиде от него прокажение, и чист бысть. И запрещь ему, абие изгна его, и глагола ему: блюди, ни комуже ничесоже рцы, но шед покажися иерееви и принеси за очищение твое, яже повеле Моисей, во свидетельство им.

И от Иоанна, зачало 16. [Ин. 5, 24 – 30.]

Рече Господь ко пришедшым к Нему иудеем: аминь, аминь глаголю вам, яко слушаешь словесе Моего и веруешь Пославшему Мя имать живот вечный, и на суд не приидет, но преидет от смерти в живот. Аминь, аминь глаголю вам, яко грядет час, и ныне есть, егда мертвии услышат глас Сына Божия и услышавше оживут. Якоже бо Отец имать живот в Себе, тако даде и Сынови живот имети в Себе и область даде Ему и суд творити, яко Сын Человечь есть. Не дивитесь сему, яко грядет час, в оньже вси суции во гробех услышат глас Сына Божия, и изыдут сотворшии благая в воскресение живота, а сотворшии злая в воскресение суда. Не могу аз о Себе творити ничесоже. Якоже слышу, сужду, и суд Мой праведен есть, яко не ищю воли Моея, но воли пославшаго Мя Отца.

Причастен: Радуйтесь праведнии о Господе:

Другий: Блажени, яже избрал и приял еси Господи.

Сиче убо бывает служба за упокой, в три субботы святого и Великаго поста, егда ни един есть праздник от триех: Предтечев: святых чотыредесяти мучеников: или Благовещения